

1124

元明事類鈔

元明書目

卷

總校官知縣臣繆琪

校對官中書臣李斯咏  
騰錄監生臣馮國炳

欽定四庫全書

元明事類鈔卷二十四

監察御史姚之駟撰

衣冠門

帽

益前簷

元史帽制舊無簷世祖因射日色眩目以語

后后即益以前簷帝大喜遂命為式

致敬於帽

元史察罕武勇過人幼牧羊於野植杖于

地脫帽寘杖端跪拜歌舞太祖出獵見而問之對曰  
獨行則帽在上而尊二人行則年長者尊今獨行致  
敬於帽且聞有大官至先習禮儀耳帝異之挈以歸  
抹額 元史舞師黃羅繡抹額執器人紅袖毋追冠加  
紅抹額

別帽 丁鶴年別帽詩雲樣飄蕭月樣圓百年雄麗壓  
南冠一從吹墮西風裏誰念蒙塵白髮寒

唐帽奏樂 本朝朱彛尊日下舊聞元順帝時宮女奏

樂或用唐帽窄衫

涼帽 薩都拉詩御羅涼帽插珠花

羔帽 柳貫涑水秋風詩旋卷木皮斟醴酪半籠羔帽

敵風沙

奉白帽 明紀事本末僧道衍知燕王當嗣大位自言

曰大王使臣得侍奉一白帽與大王戴蓋白冠王其

文皇也

燈花穴帽 宋濂集湛淵先生白珽客授藏書家畫縑

夜誦燈墜花穴帽不覺

脫帽有蠍

名世類苑吳與弼被徵英宗擇日御殿召

見問大略弼噤無以對左右促之但曰容臣上疏而  
已出至左順門脫帽視兩蠍存焉頂顛螫已腫人始  
知其不能承旨之故

龍盤帽

解縉集高皇攻雞籠山有龍盤帽

羶帽之戍

名臣錄劉忠宣大夏以兵部尚書發戍羶

帽布袍徒步過大明門匍匐頓首乃行

紗帽 觚不觚錄高皇制內臣常服紗帽與羣臣不同亦不許用朝冠服及幘頭公服

賜翎 武宗實錄江彬等戴遮陽帽上飄靛染天鵝翎以為飾貴者三英次二英兵部尚書王瓊得賜一英冠以下教場自謂殊遇

誰家紗帽 明世說汪直每歷郡縣令長皆膝行稍不如意即問曰爾頭上紗帽誰家的道沛亦以此詰令令答曰某紗帽用白銀三錢在鐵匠衙衙買的直大



笑

暖耳 謝鐸有旨百官戴暖耳詩九陛門深障曉颺暖

寒初致感恩辭

笠歌 靳史胡汲仲應聘入京世皇召見趨進張皇不

覺笠子歌側上問曰秀才何學對曰修身齊家治國

平天下之學上笑曰自家一笠尚不能正又能平天

下耶然憐其負特官教授

冠

漆紗冠

薩都拉詩雄心端有望白髮漆紗冠

晷晷冠

明夏雲英詩要知各位恩深淺只有珍珠晷

晷冠

忠靖冠

嘉靖注畧七年製忠靖冠

梁數

明會典文武官梁冠以梁數分等第公八梁侯

伯一品七梁二品六梁三品五梁四品四梁五品三

梁六七品二梁八九品一梁

香葉冠

明紀事本末世宗不欲翼善冠而御香葉巾

命尚方倣之製沈水香為五冠以賜夏言及嚴嵩等  
言密揭謂非人臣法服不敢當上大怒嵩於召對日  
故冠香葉巾于內而冒輕紗於外令上見之上果大  
悅

望之有光 明史稿田貴妃多巧思帝舊冠綴鴉青間  
以珠妃易珠以珮而後尚之以石望之有光

假金市冠 啟崇野乘劉念臺召為應天尹策一蹇就  
道到京冠服不備假友人一金市之

籜冠 王世貞答人貽籜冠詩竹萌含露供朝餐餘籜  
猶堪劉氏冠不道道人心死盡雨來猶作化龍看

公自有纓 玉堂叢話陳太常音祝忽嘗入朝誤置冠  
纓於背及覩同列垂纓俯視領下而駭曰公等悉冠  
纓何吾獨無也一人遽持其纓曰公自有纓獨無背  
後眼耳衆為大噓

春朝繡幘 于慎行上尚冠巾禮成詩負屐年來海岳  
安春朝繡幘始成冠

帶繡蘇句 張民表十上不第有廬舍在夷門內客至  
必留之醉頂高冠飄二帶帶繡東坡半升僅漉淵明  
酒三寸纔容子夏冠之句

巾

完顏巾 元郭翼詩序完顏巾金粟道人所製寄鐵崖  
先生先生賦長歌以謝率余同作

涼巾 熊銖詩五月涼巾陟翠微竹枝香露襲人衣

易巾 陳鏞易巾詩隨處聊憑製漆紗豈其官樣必京

華

軟角巾 元輿服志祭宣聖廟執事儒服有軟角唐巾

吏巾 明會典洪武三十年令令史典吏皆服吏巾巾

樣不與庶民同

平定巾 枝山前聞今士庶所戴方頂大巾相傳高祖

召揚維楨維楨戴此以見上問何巾對曰四方平定

巾上悅遂令士庶依其製戴或謂有司初進樣方直

其頂上以手按偃落後儼如民字形遂為定制

折角向上 明集禮皇帝常服烏紗折角向上巾盤領

窄袖袍

隸業巾 泳化編陳選為廣東布政聽訟不事刑朴隸

人惟令業網巾於左右以間其心

進士巾 李東陽詩暖日晴宜進士巾

萬髮皆齊 卓異記高皇微行至神樂觀見一道士於

燈下結巾問此何物對曰網巾也用以裹之頭上則

萬髮皆齊矣明日有旨召神樂觀昨夜結網巾道士

命為道官又命取其網巾至遂為定制

網巾 明藍仁賦網巾詩牽絲祇訝蛛臨戶覽鏡翻愁

鶴在籠

映吟鬢 高啟謝人惠巾詩裹映秋吟鬢歆宜晚醉容

衣

吉貝衣 解醒語元至正間遣使至馬八兒國求奇寶

得吉貝衣十襲吉貝樹名其花成時如鶩毳紡之作

布亦染五色織為斑布



茶喫新衣 元史瑪爾為帝所褻幸一日服新衣侍側  
帝方啜茶即喫之瑪爾曰天子固當如是耶帝一笑  
而已

衣皆縑素 玉堂綱鑑元英宗御大安閣見太祖世祖  
遺衣皆縑素木棉重加補綴嗟歎良久

無縫衣 元史世祖使尚衣局織無縫衣

雨衣 元史仁宗以旱故露香默禱既而大雨左右以  
雨衣進帝曰為民祈雨何避焉